

吳江徐靈胎洞溪著

傷寒

素問

素熱論篇帝曰。今夫熱病者。皆傷寒之類也。或愈或死。其死皆以六七日之間。其愈皆以十日以上者。何也。岐伯對曰。巨陽者。諸陽之屬也。其脈連於風府。故為諸陽主氣也。人之傷於寒也。則為病。熱雖盛。不死。其兩感於寒而病者。必不免於死。帝曰。願聞其故。岐伯曰。傷寒一日。巨陽受之。故頭項痛。腰脊強。二日。陽明受之。陽明主肉。其脈俠鼻。絡於目。故身熱目疼。而鼻乾不得卧也。三日。少陽受之。少陽主膽。其脈循脇。絡於耳。故胸脇痛。而耳聾。三陽經絡。皆受其病。而未入於臟者。故可汗而已。四日。太陰受之。太陰脈布胃中。絡於嗔。故腹滿而嗔乾。五日。少陰受之。少陰脈貫腎。絡於肺。繫舌本。故口燥舌乾而渴。六日。厥陰受之。厥陰脈循陰器而絡於肝。故煩滿而囊縮。三陰三陽。五臟六腑。皆受病。榮衛不行。五臟不通。則死矣。陰皆連五臟。故曰入臟。非風寒直入臟中也。其不兩感於寒者。七日。巨陽病衰。頭痛少愈。八日。陽明病衰。身熱少愈。九日。少陽病衰。耳聾微聞。十日。太陰病衰。腹減如故。則思飲食。十一日。少陰病衰。渴止不滿。舌乾已而嚏。十二日。厥陰病衰。囊縱少腹微下。大氣皆去。病日已矣。帝曰。治之奈何。岐伯曰。治之各通其臟脈。病日衰已矣。其未滿三日者。可汗而已。其滿三日者。可泄而已。水熱穴論。帝曰。人傷於寒。而傳為熱。何也。岐伯曰。夫寒甚則生熱也。

兩感。素熱論。帝曰。其病兩感於寒者。其脈應與其病形何如。岐伯曰。兩感於寒者。病一日。則巨陽與少陰俱病。則頭痛口乾而煩滿。二日。則陽明與太陰俱病。則腹滿身熱不欲食。譫言。三日。則少陽與厥陰俱

病則耳聾囊縮而厥陰水漿不入不知人六日死帝曰五臟已傷六腑不通榮衛不行如是之後三日乃死何也岐伯曰陽明者十二經脈之長也其血氣盛故不知人三日其氣盡故死兩感則表裏同病

溫病暑病素熱論凡病傷寒而成溫者先夏至日者為病溫後夏至日者為病暑暑當與汗皆出勿止

陰陽交素評熱病論帝問曰有病溫者汗出輒復熱而脈躁疾不為汗衰狂言不能食病為何岐伯曰

病名陰陽交者死也帝曰願聞其說岐伯曰人所以汗出者皆生於穀穀生於精今邪氣交爭於骨肉

而得汗者是邪却而精勝也精勝則當能食而不復熱復熱者邪氣也汗出者精氣也今汗出而輒復熱

者是邪勝也不能食者精無俾也病而留者其壽可立而傾也且夫熱論曰汗出而脈尚躁盛者死今脈

不與汗相應此不勝其病也其死明矣狂言者是失志失志者死今見三死不見一生雖愈必死也

遺證素熱論帝曰熱病已愈時有所遺者何也岐伯曰諸遺者熱盛而強食之故有所遺也若此者皆

病已衰而熱有所藏因其穀氣相薄兩熱相合故有所遺也帝曰善治遺奈何岐伯曰視其虛實調其逆

從可使必已矣帝曰病熱當何禁之岐伯曰病熱少愈食肉則復多食則遺此其禁也

難經

傷寒有幾其脈有變不然傷寒有五有中風有傷寒有濕溫有熱病有溫病其所苦各不同中風之脈陽

浮而滑陰濡而弱濕溫之脈陽濡而弱陰小而急傷寒之脈陰陽俱盛而緊濇熱病之脈陰陽俱浮浮之

而滑沉之散濇溫病之脈行在諸經不知何經之動也各隨其經所在而取之傷寒有汗出而愈下之而

死者有汗出而死下之而愈者何也然陽虛陰盛汗出而愈下之即死陽盛陰虛汗出而死下之而愈陽

陰盛者風傷衛而汗自洩寒氣在內而未出也陽盛陰虛者身熱汗開燥火內結津液乾枯陰氣欲竭也此以有邪處為虛無邪處為盛

傷寒論六經脈證

太陽病脈浮頭項強痛而惡寒 尺寸俱浮者太陽受病也其脈上連風府故頭項痛腰脊強 發熱汗出惡風脈緩者名曰中風 惡寒體痛嘔逆脈陰陽俱緊者名曰傷寒 發熱惡寒者發於陽也無熱惡寒者發於陰也發於陽者七日愈發於陰者六日愈以陽數七陰數六也

陽明中風口苦咽乾腹滿微喘發熱惡寒脈浮而緊 陽明病若能食名中風不能食名中寒 尺寸俱長者陽明受病也其脈俠鼻絡於目故身熱目疼鼻乾不能卧 陽明外證身熱汗自出不惡寒反

惡熱也 邪氣已離太陽 陽明脈大 明以上皆陽 有太陽陽明有正陽陽明有少陽陽明 傳脈之證太陽陽明者脾約是也 少陽陽明者發汗利小便已胃中燥煩實大便難是也 陽明之為病胃家實也 此正陽陽

明居中土也萬物所歸無所復傳始雖惡寒二日自止此為陽明病也 少陽之為病口苦舌乾目眩也 尺寸俱弦者少陽受病也其脈循脇絡於耳故胸脇痛而耳聾 少陽

中風兩耳無所聞目赤胸中滿而煩者不可吐下吐下則悸而驚 傷寒脈弦細頭痛發熱者屬少陽 頭痛發熱與太陽同而 三陽合病脈浮大上關上但欲眠睡目合則汗 內熱傷寒六七日無大熱 外熱輕則其

人躁煩者此為陽去入陰也 若熱輕而不煩傷寒三日三陽為盡三陰當受邪其人反能食而不嘔此為三陰不受邪也

太陰之為病腹滿而嘔食不下自利益甚時腹自痛 尺寸俱沉細者太陰受病也其脈布胃中絡於噎故腹滿而噎乾 傷寒脈浮而緩手足自溫者繫在太陰 同一太陰病而有沉細浮緩之殊蓋沉

渴者屬太陰以臟有寒故也當溫之宜服四逆輩 此少陰自利而渴熱入下焦也 自利不

少陰之為病脈浮細但欲寐也 衛氣行於陽則少陰病欲吐不吐心煩但欲寐五六日自利而渴者屬少陰也 尺寸俱沉者少陰受病也以其脈貫腎絡於肺繫舌本故口燥舌乾而渴

厥陰之為病消渴氣上撞心中疼熱飢而不欲食食則吐蛇下之利不止尺寸俱微緩者厥陰受病也以其脈循陰器絡於肝故煩滿而囊縮厥陰中風脈微浮為欲愈不浮為未愈

傷寒傳足不傳手經脈

此本陶節庵最為明晰

足太陽脈起於目內眦從頸下後項連風府行身之後終於足其外證頭疼項強腰脊痛骨節痛惡心發熱惡寒標病宜發汗但太多則亡陽筋惕肉瞤小便不利者當利自利者不可利利之引熱入膀胱其人如狂不可下下之為結胸

足陽明脈起於鼻頰絡於目循面下人迎入缺盆下膈屬胃行身之前終於足之厲兌穴故其證目痛鼻乾不得眠頭頰痛身熱微惡寒無汗者屬標病宜解肌身熱發渴汗出屬本病宜清熱解肌若惡熱自汗發渴去衣被發斑發黃發狂大便祕腹滿此正陽明胃腑病也宜下之

足少陽脈起於目銳眦上抵頭循角絡耳中循胸脇行身之側終於足故頭角痛目眩耳聾脇疼心下痞寒熱往來嘔而口苦膽熱也此經無標本只有小柴胡一湯和解隨證加減有三禁汗之犯太陽下之犯陽明利之犯少陰脈弦數者是本經證

足太陰為三陰經首其脈始於足大指上行至腹絡於喉連舌本行身之前也故腹滿自利咽乾嘔吐腹滿邪入脾也嘔吐脾氣不和也自利挾熱下利也咽乾脾脈連喉也頭不皮陰脈至頸而還也身微熱手足溫表邪解而傳入裏也身目俱黃標病宜平熱腹滿硬痛渴而喉乾小便赤大便難本病雖宜下然當分寒熱施治足少陰脈始於足心上行貫脊循喉絡舌本下注心膈行身之後也其病手足乍冷乍溫身不熱者標病二便不通舌乾口燥者本病此經本熱而標寒也宜急下以存腎水雖自利此是飲湯水所致不可疑為寒也初病大熱至此變為厥冷者是熱深厥亦深也急下之至陰又難拘定法因分直中者

寒證傳經者熱證大抵六經中惟此難辨有直中真陰者有夾陰中寒者有夾陰傷寒者有虛陽伏陰者有陰極發躁者有漏底傷寒者前二證身不熱厥冷全似少陰傳經而冷者後四證身熱面赤又全似陽大要口燥舌乾渴而譫語大便實者傳經熱證也足冷嘔吐瀉利不渴或惡寒腹痛者直中真寒證也足厥陰脈始於足大指上循陰器抵小腹循脇上口唇與督脈會於顛頂行身之側也其證煩躁囊拳消渴舌捲譫語大便不通而頭疼手足乍冷乍溫者此是陽經傳來熱邪本病宜急下若發熱惡寒狀如瘧疾此是熱邪在經標病宜和解若不嘔便清當有大汗至而自愈頭疼者以督脈會於顛頂故也大抵熱深厥亦深則舌捲囊縮肝主筋也陰寒冷極亦捲縮須以口渴不渴足冷不冷脈沉實沉細別之厥陰屬心後人皆指為極寒概用溫熱誤人無算熟讀傷寒論自知

傷寒六經治法方諸方精義俱詳余所著傷寒類方中不更贅

桂枝湯傷寒本論治太陽中風頭疼發熱汗出惡風

桂枝三兩芍藥三兩甘草二兩生薑三兩大枣十二枚右五味以水七升微火煮取三升去滓

適寒溫服一升服已須臾飲熱稀粥一升餘以助藥力溫覆令一時許通身絳絳微似有汗者益佳不可令如水流瀉病必不除若一服汗出病差停後服不必盡劑若不汗更服依前法又不汗後服當小

促其間半日許令三服盡若病重者一日一夜服周時觀之服一劑盡病證猶在者更作服若汗不出者乃服至二三劑禁生冷粘滑肉麪五辛酒酪臭惡等物此服外感風寒之藥服法俱當如此

麻黃湯治太陽中寒頭身俱痛發熱無汗惡風而喘

麻黃三兩桂枝二兩甘草一兩杏仁七十個湯去節右四味以水九升先煮麻黃減二升去上沫納諸

藥煮取二升半去滓溫服八合覆取微似汗不須啜粥餘如桂枝法將息

藥煮取二升半去滓溫服八合覆取微似汗不須啜粥餘如桂枝法將息

藥煮取二升半去滓溫服八合覆取微似汗不須啜粥餘如桂枝法將息

桂枝麻黃各半湯 治傷寒向愈脈微緩惡寒身癢

桂枝錄一兩十六去皮芍藥酒洗生薑切甘草炙麻黃各一兩去節大棗四枚杏仁二十四個湯浸去皮尖及兩仁者右

七味以水五升先煮麻黃一二沸去上沫納諸藥煮取一升八合去滓溫服六合令微汗則愈

桂枝加葛根湯 治太陽病項背強八八反汗出惡風

葛根四兩芍藥二兩甘草二兩生薑切大棗十二枚桂枝三兩去皮右六味以水一斗先煮葛根減二

升去上沫納諸藥煮取三升去滓溫服一升覆取微似汗不須啜粥餘如桂枝法黃則為葛根湯矣陳

無已本誤加

葛根湯 治太陽病項背強無汗惡風者又治太陽陽明合病自下利者

葛根四兩麻黃三兩去節桂枝二兩去皮芍藥二兩甘草二兩生薑切大棗十二枚右七味以水一斗

先煮麻黃葛根減二升去沫納諸藥煮取三升去滓溫服一升覆取微似汗不須啜粥餘如桂枝法將

息及禁忘

葛根黃芩黃連湯 治太陽證誤下利遂不止喘而汗出者此主之

葛根半斤甘草炙黃芩略黃連三兩右四味以水八升先煮葛根減二升入諸藥煮取二升

去滓分溫再服

桂枝加芍藥湯 治太陽誤下腹滿時痛屬太陰也此主之太實痛者加大黃一兩即桂枝加大黃湯

桂枝三兩芍藥六兩酒洗甘草二兩生薑切大棗十二枚右五味以水七升微火煮取三升去滓

適寒溫服一升此即桂枝湯加芍藥一倍即另成一方而以之治太陰證分兩輕重之所關如此太陰病必腹滿

大青龍湯 治太陽中風脈浮緊惡寒發熱身疼不汗出而煩躁者

麻黃去節桂枝二兩甘草二兩杏仁四十粒生薑三兩大棗十二枚石膏如雞子右七味以水九升

先煮麻黃減二升去上沫納諸藥煮取三升去滓溫服一升取微似汗汗出多者溫粉撲之按此風寒兩傷之方一服汗者

停後服此風寒兩傷之方汗多亡陽遂虛惡風煩躁不得眠也此風寒兩傷之方按載大青龍何以不載小青龍蓋

桂枝加桂湯治燒針令其汗針處被寒核起微赤必發奔豚灸其核上各一壯與此湯即桂枝湯加

桂二兩

小柴胡湯治少陽中風往來寒熱胸脇苦滿心煩喜嘔腹痛心悸頭汗出舌上胎白及婦人熱入血室

等證

柴胡半斤黃芩三兩人參三兩甘草三兩半夏半升生薑三兩大棗十二枚右七味水一斗二升煮

取六升去滓再煎取三升溫服一升日三服若胸中煩而不嘔去半夏人參加括蕞實一枚若渴

者去半夏加人參合前成四兩半括蕞根四兩若腹中痛者去黃芩加芍藥三兩若脇下痞鞭去

大棗加牡蠣四兩若心下悸平便不利者去黃芩加茯苓四兩若不渴外有微熱者去人參加桂

三兩溫覆取微汗愈若欬者去人參大棗生薑加五味子半升乾薑二兩此方加減

大柴胡湯治傷寒十餘日柴胡證仍在嘔而心下急心中痞鞭而刺熱結在裏往來寒熱等證

柴胡半斤黃芩三兩芍藥三兩半夏半升生薑三兩枳實四枚大棗十二枚右八味以水

一斗二升煮取六升去滓再煎溫服一升日三服

大承氣湯治傷寒十餘日吐下後不解晡時發潮熱獨語如見鬼狀尋衣摸牀胃中有燥屎也此下之

大黃四兩厚朴半斤枳實五枚芒硝三合右四味以水一斗先煮二物取五升去滓納大黃煮取

二升去滓納芒硝更上微火一兩沸分溫再服得下餘勿服謂中非存燥屎之所此言胃中者指足陽

小承氣湯 治汗多微發熱下惡寒或小便數而大便鞭澀者與此湯微和胃氣

大黃四兩 厚朴二兩去皮炙 枳實三枚炙

右三味以水四升煮取一升二合去滓分溫二服初服湯當更

衣不爾者盡飲之若更衣者勿服之

調胃承氣湯 治胃氣不和惡寒但熱腹微滿而煩與此湯

大黃四兩去皮清酒浸 甘草二兩炙 芒硝半斤

右三味以水三升先煮大黃甘草取一升去滓納芒硝

更上大微煮令沸少少溫服不惡寒乃外邪已盡方可下此仲景之要法

桃核承氣湯 治太陽病不解熱結膀胱其人如狂血自下下者愈其外不解者尚未可攻宜先與桂枝

解外外解已但小腹急結此主之

桃仁五十個去皮尖 桂枝二兩去皮 大黃四兩 芒硝二兩 甘草二兩炙

右五味以水七升煮取二升半去滓納芒

硝更上大微沸下火先令溫服五合日三服當微利

抵當湯 治傷寒六七日少腹鞭小便不利其人如狂喜忘大便黑此有蓄血

水蛭熬 蟅蟲各三十個去翅足熬 桃仁三十個去皮炙 大黃三兩酒浸

右四味為末以水五升煮取三升去滓溫服一

升不下再服

抵當丸 治傷寒有熱少腹滿應小便不利今反利者為有血也當下之不可餘藥

水蛭二十個 蟅蟲二十個 桃仁二十個去皮炙 大黃三兩

右四味杵分為四丸以水一升煮一丸取七合服之

晬時當下血若不下者更服

大陷胸湯 治表未解而醫反下之胃虛而陽氣內陷心下有鞭舌上燥渴小有潮熱心下至少腹痛不

可近

大黃去兩皮芒硝一升 甘遂一錢 右三味以水六升先煮大黃取二升去滓納芒硝煮一兩沸納甘

遂末溫服一升得快利止後服結胸乃水飲為患傷寒論云此為水結故用甘遂

大陷胸丸 治病發於陽而反下之熱入因作結胸病發於陰而反下之因作痞所以成結胸者以下之

太早故也

大黃半斤葶藶子煮芒硝 杏仁去皮尖熬 右四味搗篩二味納杏仁芒硝合研如脂和散

取如彈丸一枚別搗甘遂末一錢匕白蜜二合水二升煮取一升溫頓服之一宿乃下如不下更服取

下為效

小陷胸湯 治病在心下按之則痛脈浮滑者

黃連一兩半半夏半升栝婁實大者一箇 右三味以水六升先煮栝婁取三升去滓納諸藥煮取二升去

滓分溫三服

白虎湯 治脈滑而厥裏有熱也 又治三陽合病腹滿身重譫語遺尿自汗出者

知母六兩石膏一斤甘草二兩粳米六合 右四味以水一斗煮米熟湯成去滓溫服一升日三服

陽極於內發散則路遠故從小便去之

麻黃附子細辛湯 治少陰始得病反發熱脈沉者

麻黃去節細辛二兩附子一枚炮去 右三味以水一斗先煮麻黃減二升去上沫納藥煮取三升

去滓溫服一升日三服

四逆散 治少陰傳經熱邪四逆或欬或悸或小便不利或腹中痛或泄痢下重者

甘草炙枳實破水漬柴胡 芍藥各十 右四味搗篩白飲和服方寸匕日三服欬者加五

味子乾薑各五分并主下痢 悸者加桂枝五分 小便不利者加茯苓五分 腹中痛者加附子一

枚炮令拆 泄痢下重者先以五升煮薤白三升煮取三升去滓以散三方寸匕納湯中煮取一升半

分溫再服熱和入深乃見四逆誤認為寒胎害匪細 薤白能治下重以能瀉大腸之氣也

四逆湯 治脈沉體痛溫溫欲吐下利清穀手足厥冷內寒外熱脈微欲絕等證

甘草二兩 乾薑一兩 附子一枚生用去 右三味咬咀以水三升煮取一升二合去滓分溫再服強

人可大附子一枚乾薑三兩四逆湯不可輕用一症不具即當 細審必諸症皆全方可決用無疑

四逆加人參湯 治痢後亡血 本方加人參

通脈四逆湯 治下痢清穀脈絕汗出而厥 本方加乾薑一倍

通脈四逆加豬膽汁湯 治汗出而厥脈絕拘急 本方加豬膽汁

當歸四逆湯 治手足厥冷脈細欲絕脈浮革因而腸鳴者

當歸 桂枝 芍藥各三兩 細辛二兩 大棗二十枚 甘草 通草各二兩 右七味以水八升煮取

三升去滓溫服一升日三服此四逆症乃從太陽誤下所致非厥陰 少陰之四逆也故仍以桂枝湯為主

理中丸及湯 治霍亂頭痛發熱身皮膚痛寒多不用水者理中湯若大病瘥後喜唾久不了了胃上有寒

者用理中丸

人參 甘草炙 白朮 乾薑各三兩 右四味搗篩為末蜜丸如雞子黃大以沸湯數合和一

丸研碎溫服之日三服夜二服腹中未熱益至三四丸然不及湯湯法以四物依兩數切用水八升煮

取三升去滓溫服一升日三服四逆乃溫下焦中焦之法理中為 溫上焦中焦之法各有部位也

附子瀉心湯 治心下痞而復惡寒汗出

大黃二兩黃連

黃芩各一兩附子一枚泡去皮別煮取汁

右四味切三味以麻沸湯二升漬之須臾絞去

滓納附子汁分溫再服治上焦用生藥故漬而不煎附子能回陽止汗

梔子豉湯 治汗吐下後虛煩不得眠及大下之後身熱未去心中結痛或微煩者

梔子十四枚香豉四合

右二味以水四升先煮梔子得二升半納豉煮取一升半去滓分為二服溫

進一服得吐者上後服邪在至高之分以此吐之所謂在上者此方之最和平者

真武湯 治太陽汗出不解仍發熱心忪頭眩身瞤動振振欲倒地者又治少陰至四五日小便不利

四肢沉重痠痛自下痢此為有水氣

茯苓 芍藥

生薑各三兩白朮二兩附子一枚泡去皮破八片

右五味以水八升煮取三升去滓溫服

七合日三服此治水逆

若欬者加五味半升細辛乾薑各一兩若小便利者去茯苓若下利者

去芍藥加乾薑二兩若嘔者去附子加生薑足前成半斤

大黃黃連瀉心湯 治傷寒脈浮緊而復下之緊反入裏則作痞按之自濡但氣痞耳此主之

大黃二兩黃連一兩

右二味以麻沸湯二升漬之須臾絞去滓分溫再服凡治下焦之補劑當多煎劑當不煎以生為主此亦治至高之熱邪故亦用生藥

白通湯 治少陰下痢

葱白四莖乾薑一兩附子一枚生用去皮破八片

右三味以水三升煮取一升去滓分溫再服此為寒劑

白通加豬膽汁方 治服白通湯利不止汗出而厥逆無脈乾嘔而煩服湯後脈暴出者死微續者生

即白通湯煎成納人尿五合豬膽汁一合分溫再服

豬膚湯 少陰病下利咽痛胸滿心煩者此主之

豬膚一斤 右一味以水一斗煮取五升去滓加白蜜一升白粉五合熬香和令相得溫分六服

陰之虛火下達

甘草湯桔梗湯 治少陰咽痛先與甘草湯不瘥與桔梗湯

甘草 二兩 右一味以水二升煮減半去滓溫服七合日二服 桔梗湯加桔梗一兩煎法同 此方制少

陰在上之大

瓜蒂散 治太陽病胸中痞鞭氣上冲脚不得息此胸中有寒也又或手足厥冷脈乍緊心中煩滿不能

食病在胸中並當吐之

瓜蒂 熬 赤小豆 各一 右二味各別搗篩為散已合治之取一錢匕以香豉一合用熱湯七合煮

作稀糜去滓取汁和散溫頓服之不吐者少少加得快吐乃止諸亡血虛家不可與之

麻黃升麻湯 治傷寒六七日大下後厥逆寸脈沉遲下部脈不至咽不利吐膿血泄瀉為難治主之

麻黃 二兩半 升麻 當歸各一兩 知母 黃芩 姜蕤 各八銖 石膏 碎綿 白朮 乾薑

芍藥 天冬 去心 桂枝 茯苓 甘草 炙 右十四味以水一斗先煮麻黃一兩沸去上

沫納諸藥者取三升去滓分溫三服令汗出愈

旋覆代赭湯 治傷寒汗出吐下後心下痞鞭噎氣不除此主之

旋覆花 三兩 人參 二兩 生薑 五兩 半夏 半升 代赭石 一兩 大棗 十二枚 甘草 三兩 右七味以水一斗

煮取六升去滓再煎取三升溫服一升日三服

苦酒湯 治少陰病咽中生瘡聲不出者

半夏 洗破十 雞子 一枚 去黃納 右二味納半夏著苦酒中以雞子殼置刀環中安火上令三沸去

半夏 洗破十 雞子 一枚 去黃納 右二味納半夏著苦酒中以雞子殼置刀環中安火上令三沸去

滓少少含嚥之。不差更作三劑服之。製法

枳實梔子豉湯 治大病瘥後勞復

枳實三枚 梔子十四枚 豉一升 右三味以清漿水七升。空煮取四升。納枳實梔子。煮取二升。下豉更

煮五六沸。去滓。溫分再服。覆令微似汗。若有宿食者。加大黃如博碁子大五六枚。大病後勞復。庸醫必作虛治。乃純用降氣

清火之品。當細參之。

竹葉石膏湯 治傷寒解後虛羸少氣。氣逆欲吐者。方見通治。壯大食氣。故少氣者多屬大症。

燒視散 治陰陽易病。其人身重少氣。少腹裏急。陰中拘攣。熱上衝胸。頭重不舉。眼中生花。膝脛拘急。

右取婦人中視近陰處。剪燒灰。以水和服方寸匕。日三服。小便即利。陰頭微腫則愈。婦人病取男子視

當燒灰。

豬膽導法 以豬膽汁加醋納穀道中。

蜜煎導法 以蜜煎老。捏作指大一條。納穀道中。以手按之。

右二方俱治傷寒大發汗。小便利。津液內竭。大便雖鞭不可攻之。用此法。

治男子新病起。房內復者方針。取女人月經赤帛。燒服方寸匕。亦治陰卵腫縮入腹。絞痛欲死。

治交接勞復。陰卵腫。腹中絞痛。便欲死方針。取所交接婦人衣服。以覆男子。立愈。

竹皮湯針 治交接勞復。卵腫腹痛。便絕欲死。

青竹皮一升 右一味水三升。煮五六沸。絞汁頓服。立愈。此方范汪亦治大便後勞復。

療食勞方針 杏仁五十枚 右一味以酢二升煎取服之。取汗則差。

治結胸灸法本事

巴豆十四黃連七寸連

右搗細末用津唾和成膏填入臍心以艾炙其上腹中有聲其病去矣不

拘壯數以病退為度纏冬便以溫湯浸手帕拭之恐生瘡也此法最穩凡胸中病俱可依此法治

鵲石散林事

治傷寒發狂棄衣奔走踰牆上屋

黃連

寒水石略等

右為細末每服二錢濃煎甘草汁調服

驚甲散活人

治傷寒八九日不瘥名曰壞證傷寒不能治者宜此療之

升麻

前胡去蘆烏梅去核枳實麩炒犀角鎔黃芩略半生地黃切兩甘草一分驚甲去襍米

黃梓碎

右剉如麻豆太每服抄五錢匕水一盞半煎至八分去滓溫服

升麻驚甲湯驗

陽毒之為病面赤斑斑如錦文咽喉痛唾膿血五日可治七日不可治此湯主之

升麻

當歸二兩蜀椒炒去汗甘草二兩驚甲一指大雄黃詳兩

右六味以水四升煮取一升

頓服之老小再服取汗

升麻驚甲去雄黃蜀椒方

陰毒之為病面目青身痛如被杖咽喉痛五日可治七日不可治升麻驚甲

湯去雄黃蜀椒主之

肘後千金方陽毒用升麻湯無驚甲有桂陰毒用甘草湯即本方無雄黃活人

陽毒升麻湯用犀角射干黃芩人參無當歸蜀椒驚甲雄黃蜀椒辛熱之品陽毒用而陰毒反去之疑誤活人書加犀角等四味類切當

梔子仁湯活人

治陽毒傷寒壯熱百節疼痛

梔子仁

柴胡一兩升麻

黃芩略二赤芍一兩大青一兩石膏二兩知母一兩甘草半兩

杏仁

雙仁二兩湯浸去皮尖及

右件搗為粗末每服抄四錢以水一盞入生薑半分煎一百粒煎至六

分去滓不計時候溫服

還陽湯林事

治陰毒面色青四肢逆冷心燥腹痛用硫黃末新汲水調下良久或寒一起或熱一起

更看緊慢再服一二錢則為汗出在

姜薤湯

治風溫兼瘡冬溫及春月中風傷寒發熱頭眩痛喉咽乾舌強胸內痞痞滿腰背強

姜薤

三分石膏一兩

白薇

麻黃

川芎

葛根

大羌活

甘草

杏仁

去皮尖雙仁

青木香

右判如麻豆大每服五錢水一盞半煎一盞日三四服

此清散之劑可治時疫

白虎加蒼木湯

本事

治濕溫多汗

知母

五兩

甘草

石膏

蒼木

粳米

右為末每服四錢水一盞半煎至七分去滓

取汁溫服

黑膏

活人書

治溫毒發斑

好豉

生地黃

右二味以豬膏二斤合露之煎令三分減一絞去滓用雄黃麝香如大豆

者內中絞和盡服之毒便從皮中出則愈

凡外感之症治之得宜六七日間無不愈者過期不愈皆治

治法千端聚

按傷寒為外感之總名傳變出入千頭萬緒仲景傷寒論一字不可遺漏今止舉六經本

症救療也

按傷寒為外感之總名傳變出入千頭萬緒仲景傷寒論一字不可遺漏今止舉六經本

百合病

金匱

論曰百合病者百服一宗悉致其病也意欲食復不能食常默然欲卧不能卧欲行不能行飲食或有美

時或有不用聞食臭時如寒無寒如熱無熱口苦小便赤諸藥不能治得藥則劇吐利如有神靈者身形

如和其脈微數每溺時頭痛者六十日乃愈若溺時頭不痛漸差者四十日愈若溺快然但頭眩者二十

日愈其證或未病而預見或病四五日而出或病二十日或一月微見者各隨證治之

百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復下之此亦為逆

此等症病後得之者甚多醫者不知多方誤治以致病氣日深不可救療始終無一人能識之者遍地皆然也

百合病方

百合知母湯金匱 百合病發汗後者主之

百合七枚知母三兩 右先以水洗百合漬一宿當白沫出去其水更以泉水二升煎取一升去滓

別以泉水二升煎知母取一升去滓後合和煎取

滑石代赭湯金匱 百合病下之後者主之

百合七枚滑石三兩代赭石如彈丸大一 右先以水洗下合漬一宿當白沫出去其水更以泉

水二升煎取一升去滓別以泉水二升煎滑石代赭取一升去滓後合和重煎取一升五合分溫服

百合雞子湯金匱 百合病吐之後者主之

百合七枚雞子黃一枚 右先以水洗百合漬一宿當白沫出去其水更以泉水二升煎取一升去

滓內雞子黃攪勻煎五分溫服

百合地黃湯金匱 百合病不經吐下發汗病形如初者主之

百合七枚生地黄汁一升 右先以水洗百合漬一宿當白沫出去其水更以泉水二升煎取一升

去滓內地黃汁煎取一升五合分溫再服中病勿更服大便當如漆

百合洗方金匱 百合病一月不解變成渴者主之

百合一升以水一斗漬之一宿以洗身洗已食煮餅勿以鹽豉也